

皇

明

史

概

皇明開國臣傳卷之五

臣朱國禎輯

陝國郭宣武公 弟營國威襄公

公名子興濠人父山甫母單氏 高皇帝徵時過之山甫驚異留饌酒酣備陳天表之殊他日大貴毋相忘既去語子弟曰吾視若曹殆非執耒者皆可乘珪一日得志必錄此人謹事之因以子女入侍子興拳勇善騎射隸滁陽王避其名止稱興時 上在王甥館專征伐興備宿衛從克滁和渡江拔采石取太平定金陵先登授管軍總管克鎮江置五翼元帥府陞總軍元帥開常州

晝夜不解衣甲生蟻尋下宣州江陰宜興婺州破南昌  
彭孟大戰海艘駢進賈勇先登征武昌灑血馳戰斬獲  
多陞鷹揚衛指揮使拔廬州援安豐陷陣大敗張兵平  
襄陽衝澧還蹤高郵踰淮安割吳興往往喪創力鬪平  
姑蘇陞督府僉事佐大將軍取中原守潼關潼關三秦  
門戶李思齊張思道日來覬覦厲兵積貯益塞堅固屢  
敗其兵不敢東向移戍鞏昌爲秦王府武備兼陝西行  
府僉事招募故元部曲洪武三年封鞏昌侯食祿千五  
百石與世券賜地佃墾戶伐蜀克成都練兵臨清巡北  
邊召還十六年卒贈陝國公諡宣武子四景儀先卒

嗣侯宗官僧散騎舍人第英自有傳英女弟入宮進位  
寧妃妃弟德成事 上爲驍騎舍人性明爽見幾避禍  
以酒自放 上一日召授官懇辭不受 上變色曰朕  
念爾親且舊兄弟皆登列侯而爾獨未顯故畀爾職何  
辭焉德成免冠泣拜曰臣性狂愚懶慢耽酒嗜臥不識  
事情緩急倘位高祿重必任職司事苟不理 上殺我  
也人生不過多得錢飲美酒隨意自適足了一生願卒  
賜 上大喜曰善人舉能若此吾刑可措矣立書勅賜  
黃封百罌金絲稱是寵待益厚德成嘗侍宴後苑醉蒲  
伏免冠謝髮禿落且盡 上笑曰醉風漢毛髮如此非

過酒耶德成仰首曰臣猶厭其多欲盡剃始快上然  
然既醉大懼誤觸忌諱遂盡剃髮披僧衣狂呼唱佛不  
已上笑謂寧妃曰前謂汝兄戲言乃實爲之非風而  
何德成嘗見其兄弟征鎮四方逾年不得歸輒笑其以  
虛名受辛苦曾如我飲中樂耶已而黨事起死者相屬  
德成益狂蕩不檢以壽終

### 第營國威襄公

英沉毅智勇精騎射年十八與徐司馬等

司馬即易名  
字從政世楊

州人元季兵亂生九歲無所依上解之養以爲子既  
長出入侍左右屢從征伐有功癸卯除總制金華吳  
元年授指揮同知洪武元年同曹公北征獲故元宗王  
慶生三年陞指揮使十二月以各處前爲都角陞都指

羅使九年改河南十九年人親陞都督會事二十五年  
冬率師征越黨還至成都卒司馬好文學授人溫然謙  
恭爲政以惠愛爲先所至撫綏士卒極郵貧困甚得人  
心尤敬士大夫公事之隙退居一室講論終日蕭然如  
常布之士自少富貴  
家無餘資人稱其賢直宿帳中爲上親將屢立戰功

上嘗以郭四呼之鄴陽鏖戰友諒中矢死有言其功者  
上問之曰天威神算臣何力焉上益重之圍武昌其

將陳僉同驍捷善禦突入帳下上方坐胡牀遽呼曰

郭四爲吾殺賊躍馬一呼賊應手而殞解所御赤戰袍

衣之曰唐尉遲敬德不汝過也攻岳州敗漢張援兵從

征襄陽陞千戶克淮安鳳陽安豐陞指揮僉事洪武元

年從大將軍北定中原所至有功取通州爲先鋒距城

十里立營衆請速攻曰吾師遠來宜少停示弱出不  
意破之翌日大霧以千人伏道傍率精騎三千直抵城  
下元將帥萬人張兩掖而出與戰良久佯敗乘勝來追  
伏兵中起截爲兩斬首數千級擒宗室李羅梁王遂克  
通州元主北遁克永平真定定州生擒守將湯同僉從  
取太原劫王保保軍夜率十餘騎潛入其營舉火鳴砲  
伏兵齊起保保大潰遁去下興州大同至沙淨州生擒  
僞將竹平董渡河取鹿臺西安鳳翔鞏昌追敗賊將賀  
宗哲於嵐山庚戌陞指揮副使從征迺西克定西討西  
夏察罕腦兒撫安忽辰平董沙淨州復規討平之克宣

寧州陞指揮便辛亥陞河南都指揮使將赴鎮 上命  
寧妃携内饌至第餞之侯素清儉賜白金二十器廐馬  
二十疋既至宣布威德綏輯流亡未期年戶口倍增境  
內大治丙辰移鎮北平時羣胡反側不寧開示誠款一  
境帖服來降者甚衆十三年召還進大都督府僉事定  
官制改前軍都督府僉事討灰山賊平之明年從征雲  
南與都督陳桓胡海洋分道進討道多險隘諸將欲深  
入侯曰破敵貴先聲攻取必自近始舍近趨遠豈策之  
上耶先攻赤水河路距河二十里爲營時久雨河水瀑  
漲乘夜濟河賊大潰進攻曲靖陸梁州關索嶺及諸山



寨皆克之十五年至江川蒞子寨先遣騎兵五千攻其  
前賊空寨迎戰侯精騎搆其後斬門而入賊大亂悉破  
滅之進攻大理金齒降段平章攻靖寧州蠻七寨一日  
夜破之取仁德府破哨店山寨圍姚安敗賊將李自久  
十六年過金沙江破北勝府生擒賊將雲南悉平論功  
封武定侯食祿二千五百石世襲十八年鎮遼東二十  
年同馮大將軍討北虜納哈出降之師旋虜追襲與戰  
創傷左脇箭復中右脇益奮虜遂却進征虜右副將軍  
仍鎮遼東二十一年出至捕魚兒海卷甲直抵虜營虜  
王潰圍出其將蠻子太尉來拒手刃之遂成大捷已巳

同諸將厚賜歸鄉庚午獨召還京統禁衛諸軍辛未虜  
寇邊命出討逐北至寒鴉山而還丁丑討川陝餘寇授  
征西將軍生擒賊首高福興及其黨御史裴承祖劾侯  
養家奴百五十人輒殺人不問建文時從耿炳文李景  
隆州兵老矣聽指揮而已永樂元年卒年六十九贈營  
國公謚威襄公能讀書多所通曉孝友仁恕恭儉誠實  
家居不治田產 上問故曰仰荷寵靈富貴已極安生  
修心與士卒有恩方北征軍法必令親軍更直一夕大  
風雪悉罷遣歸管母喪廬墓致疾夢母告以地濕傷生  
會有召命乃歸事 太祖四十餘年小心謹慎未嘗有

過嘗侍坐便殿有奏事者急趨避 上曰坐朕自理事

不汝關也其見敬愛如此大小百餘戰金瘡遍體每陰

雨痛甚及聞征討之命卽日就道未始以老疾辭 上

脫帥功臣已盡獨英與長興侯備任使終始不替云 身

以英爲興之子而揚文敏神道碑與郭勛  
自編世典皆以興爲兄諸書盡同因之 威震于十二

人鎮駙馬都尉尚永嘉公主女二遼鄂二王妃孫二十

八人長孫女 仁宗貴妃珪以貴妃弟故得嗣戾宣德

中珪署宗人府事李河間民田廬又奪天津屯田千九

十畝罪其奴有珪十年永嘉公主乞子珍嗣戾 英宗

念珍本英嫡孫與錦衣衛指揮僉事已而珪子聰與珍

爭嗣侯並勒停亦與聰錦衣指揮僉事天順元年詔恩  
嗣侯諸大臣言英適長曾孫昌宜嗣昌者珍長子也聰  
又與昌爭 上許昌嗣五年昌卒子良優給成化四年  
聰又言良非昌子停良嗣與指揮僉事錦衣已而良屢  
乞嗣并奪指揮閒住弘治二年良又乞嗣下刑部獄三  
年復良指揮僉事已而郭宗人共乞擇英諸孫一人嗣  
侯下廷議皆言良本英適玄孫 上許良嗣良世勲戚  
以爭質中落獨好聚書爲詩樂與文儒交其爲指揮嘗  
中武舉理衛事既侯掌中軍領京營牧馬虜犯大同克  
左叅將當出兵不果因上備邊六策正德二年卒子勛

嗣自有傳

新國康武襄公

公名茂才字壽卿新州人。經史大義事母孝有志事  
功元末州陷結義旅捍敵。元授長官復九江擢新水黃  
連寨轉新州路同知總管。府事淮西宣慰副使都元帥  
屯兵和州之峪溪乙未。上渡江將士家屬尚留和州  
公移戍采石水寨阨江爲阻兵不多善戰士皆用命常  
忠武王游兵虛撓之度。力疲夜設伏質明戮其精銳  
殆盡然猶收合潰散。天寧州明年。上命諸將以  
襄陽大砲破其寨奔建康。授淮南行省叅政甫踰月  
上克金陵又奔京口舟師追及之率餘兵三千降頓首

軍門曰前日之戰勦力爲主屢敗不振天數非人力今願歸死效尺寸 上擇之命綬所部從征明年授秦淮翼水軍元帥守龍灣取馬馱沙八月張士誠來攻逐走之獲其樓船戊戌從攻池州取樅楊遷都水營田使

上曰比兵亂失耕之食特設此官命汝與水利高下旱澇時其蓄洩屯田大獲仍兼帳前總制親兵左副指揮使友諒旣破姑熟將窺建康 上知公素與友諒善密諭曰有事任汝能辦乎應曰惟命曰友諒且入寇吾欲速其來分其力給以虛實非汝莫可使者若致書偽降約爲內應友諒來吾事濟矣對曰家有老闈善事友諒

令持書往必信因爲書言宋某不足與有爲兵弱地蹙  
四面勅敵僕委身圖阱欲奮拔鱗翼若大軍分道遼進  
便當納款建康可唾手得也友諒得書大喜問康公安  
在曰守江東橋問橋何如曰木橋厚賜關者道歸答書  
某日至橋所呼老康公卽我應內外奮擊功成官賞不  
爾客書至呈上 上曰虜墮毅中矣卽命李善長一夕  
易橋鐵石友諒至見橋愕然又連呼老康不應遣視管  
中瘠馬敵旗四散落落益大驚曰老賊給我 高皇自  
將麾伏兵四起大破之勞公曰今日之勝皆汝功也賜  
賚甚厚辛丑從 上親征友諒拔江州又敗友諒八指



禪降二萬餘人明年復龍興又明年破殺陳友諒及降  
陳理皆有功進親軍副都護從克廬州徇湖南諸州皆  
下之進大都督府副使從取泰州士誠犯江陰京口

上自將擊之士誠兵遁走命追至巫子門敗之獲士卒  
三千擄淮安拔水寨遂攻湖州逼姑蘇六戰尹山橋破  
之縛士誠陞同知大都督府洪武元年從大將軍北伐  
駐師陝州造浮梁濟軍遂鎮河中招降絳解二州遮蔽  
潼關秦人不敢東三年從征定西取興元召還卒於陝  
州年五十七贈中書平章柱國追封斬國公諡武襄  
上親爲文祭之葬幕府山于鐸以父功封斬春侯食祿

千五百石與世券時鐸年十歲入侍 皇太子讀書大  
本堂金鑄斬國武襄公五字置帽上復 御書康二子  
謹承先業愛爾勤功十一字賜鐸及其庶兄鑑以寵之  
八年詔鐸督民開荒田於鳳陽十年征辰州洞獠十一  
年平松壘諸州有功十三年巡沿海諸城撫循兵民十  
四年從徐大將軍北征既還從傅將軍征雲南克普定  
破革楚山等砦卒于軍年二十三追封如父諡忠愍子  
淵澄皆幼淵優給充散騎舍人已而革寇服勸居山西  
卒子勝永樂二十二年宣德一年再乞嗣爵勝子永弘  
治七年援詔請嗣皆不許

江國吳襄烈公 弟海國襄毅公

公名良定遠人初名國興後賜名雄偉剛直與弟積俱以勇力稱良能沒水連探而積異服爲間諜 上起兵兄弟皆來附從 上取滁州乙未克和陽先戰有功從渡江與元兵戰采石拔其營克姑孰溧水溧陽丙申定建康鎮江常州以功進鎮撫破張士誠兵於秦望山下江陰以指揮使領兵鎮之士誠據姑蘇跨有淮東浙右江陰正踞江口當往來要衝士誠多變詐動以金帛啗誘將士且日窺伺此行 上諭之曰彼以其詐我以吾誠爾爲邊將鎮守封疆約束士卒毋外交毋納逋逃毋

逐小利毋與爭鋒惟保境安民而已奉命治兵惟謹戊戌復命賴往助守其秋敵來侵擊敗之俘數千人拜樞密院判行分院事己亥士誠盛兵來扼境先遣積率部下王忽雷等自北門擒敵數人敵懼莫敢前分兵出南門合擊敗之是冬復寇常州良遣兵間道殲其兵於無錫之三山敵張狼而遁 召至京勞曰吳院判保障一方使吾無東顧之憂其功大矣賜之車馬珠玉不足以旌其能命館閣學士宋濂爲詩文美之仍還守江陰乙巳 上大發兵取淮東士誠以巨艦數百艘滂江而上良戒嚴以待明年正月 上親禦之至境敵遁去追至

巫子門良等縱兵夾擊大敗之。上回幸江陰見防禦有方嘉之曰良汝非昔日之吳起乎稱歎久之大賞賚下及偏裨良在鎮仁而有勇武不弛文屯田以足軍餉平徭以蘇民力嚴條約以禁遊惰獎名節新學宮敦士習茲誦謨然有禮義風其馭將士不妄刑殺犯則罰無貸故下皆畏而愛之至其自奉聲色貨利泊無所嗜夜宿城樓枕戈警備時歲旱躬自禱大澍歲登居守凡十年與長興宜興常州氣勢聯絡敵不敢逞民得以安丁未克姑蘇移良并鎮僉大都督府事武備益修洪武三年論功封江陰侯食祿一千五百石世券五年爲征南

將軍討廣西叛蠻盡平其地移兵入銅鼓五開路騰浪  
諸溪洞蠻夷畏威懷德輸租奉法令八年 上移江南

民十四萬田鳳陽壯京畿令良與李太師周德興等者  
田事十二年齊王受封青州命營建王府納其女爲王  
妃留三載疾卒年五十八贈江國公諡襄烈肖像祭功  
臣廟子二人長高嗣侯屢出練兵征胡二十八年有罪  
調征龍州靖難兵起守遼東與楊文數攻永平 文皇  
曰高雖怯行事差密文勇而無謀去高文無能爲也遣  
人造二人書盛譽高極詆文故易其函授二人所二人  
得書並聞 建文君果疑高削爵徙廣西獨文守遼東

竟敗永樂初復召高鎮守大同上言禦虜方畧十二年  
被劾編民江陰十七年奪券洪熙元年上曰高往年  
多行無禮謫戍海南卽死徙其家會赦得釋宣德十年  
子昇乞嗣不許

弟海國襄毅公

補字幹臣初名國寶與兄同歸上賜名孫德崖之變

上城外策馬先還卒免于難渡江戰功皆與陞右  
元帥副良守江陰首破張士誠水寨擒其梟將朱  
辰授指揮使丙午寇出馬馱沙從上追至巫子

門寇乘潮逆拒首尾相失縱兵急擊之俘獲無算是秋

從大將軍取潮州勒奇兵出舊館扼之戰大捷事平遂  
留戍焉吳元年平士誠進食大都督府事副湯將軍討  
方國珍引舟夜入曹娥江通道夷壩出其不意直抵車  
廐方潛挈家入海追至盤嶼戰自申至夜三鼓敗之盡  
獲其船馬輜重國珍遂降仍由海洋取福州不數日奄  
至城下圍其西南水部三門一鼓克之明年破延平擒  
陳友定閩海平歸次昌園海寇葉陳二姓聚劫蘭秀山  
立勅之洪武元年兼太子左率府副使吳王左相大都  
督府會事二年從大將軍于陝西與馮勝駐慶陽安輯  
軍民三年巡海上封靖海侯食祿一千五百石世券專



爲王傳解督府事以事奪侯尋復之五年發兵東戍定  
遼總舟師由登轉餉海道險遠講度有方七年海警復  
領沿海各衛兵出捕往浙東收糴方氏台溫明三郡故  
兵三郡亡賴惡少年挾私逞怨蔓引平民富家爲兵瀕  
海大擾寧海縣知縣王士弘曰誣良民爲兵此不可也  
吾寧獲罪死當爲民請命卽上封事言狀辭甚懇切

上嘉士弘言卽日詔罷之三郡之民賴以復安

士弘臨州人

南雄府通判卒于官

兵至琉球大洋獲倭寇人船遂往來海道總

理軍務寇亦遁跡十一年疾作歸京明年五月卒年五  
十二贈海國公謚襄毅五子忠襲封堅衛鎮撫

長興侯耿公

公名炳文，濠人。父君用從上取滁和，積功爲管軍總管。克采石，下金陵。丙申，攻宜興，與士誠戰死。炳文代領其軍。明年，取廣德。長興擒士誠，守將降其兵。以炳文爲都元帥，郭成副之。守長興，改爲安州。時獲處士溫祥，卿解卿長興縣人，原籍山西。兵亂流寓通陰。陽家學狀，炳文守長興，延之用。其策分揀要害，張兵屢來寇，皆敗走。不幾，犯者四年，解卿贊畫之功，居多。洪武二年，授大都督。治歷三年，改秦相府，錄事九年。歷長史，十三年，守儋州。尋改太原，知府。歷任明敏，有爲。公廉不擾。十七年，召爲兵部尚書。五月，諭以雲南平定，凡從征將士存者，各加封賞。惟死者，永遠鄉路，誠可哀憫。悉令放遣。該與給俸券之。十八年，降。刑部主事。歷四川布政使。卒。官與語奇之。留贊軍事。辛丑，士誠將李伯昇來寇，敗之。張士

信益兵圍城又敗之凡十餘年寇屢至固守待援兵  
至輒敗竟不能越境窺金陵拜指揮使吳元年破蘇州  
陞大都督府僉事從北征洪武初授鎮國上將軍兼右  
率府副使扈幸汴梁從平山陝守長安餽運鞏昌不乏  
遂鎮陝西大浚堰渠興水利三年授秦王府左相兼陝  
西行省右丞封長興侯食祿千五百石與世券自陳祿  
人不給歲賜租亦如之十四年破虜北黃河復還陝西  
十六年往諭征南諸將并視城池軍馬蠻寇復拔計平  
之二十四年賜鎡鈔造第鳳陽尊先塋贈君用爲侯肅  
清逆黨差次功臣以炳文附徐中山爲一等二十五年

兩當妖人作亂總兵討平之三十年克征西將軍勦平  
蜀盜高福興俘三千餘人三十一年鎮守遼東建文元  
年北兵起炳文爲征虜大將軍率衆二十萬北進至真  
定都督徐凱兵十萬駐河間都督潘忠楊松營莫州先  
鋒至雄縣 文皇出不意破其城忠松引衆來援伏兵  
起忠等皆被執因得炳文虛實遂長驅至真定張玉朱  
能譚淵來戰炳文大敗奔還滹沱河東衆尚數萬復戰  
衆潰皆降副將駙馬李堅都督審忠顧成指揮劉遠俱  
被執炳文固守真定靖難兵攻城二日不能下去之炳  
文老將善戰至是敗建文君始有憂色召還遣李景隆

代之北師既入迎降永樂二年刑部尚書鄭賜左都御  
史陳瑛劾炳文衣服器皿僭飾龍鳳玉帶僭丹陛上  
曰炳文先朝老臣亦爲此其速改尋籍其家炳文自縊  
死子璿駙馬都尉獄後軍都督僉事北兵起與江陰侯  
吳高及楊文率遼東兵圍永平不克退保山海關吳高  
被間奪兵徙廣西楊文守遼東獄數請攻永平以動北  
平文不聽瑄散騎舍人擢尚寶司卿先後皆獲罪死炳  
文有伯父君美從克淦和還却士信兵君美子璿力戰  
中矢死從第忠亦有戰功爲叅將洪熙初盡以長典庚  
田舍賜留守郭鑑其孫今在長典

朱史氏曰炳文事 太祖四十六年固守長興驛馳邊  
塞有功無過保全終始任寄大約與郭武定英等此亦  
開創君臣所絕少者留事建文北兵既起拜大將率二  
十萬衆一戰盡覆黃金開國功臣錄黃佐革除遺事片  
言炳文死于陣忠節錄據二書收入祠中果爾真得死  
所成就一生名節吾亦快之而國史則云永樂二年被  
劾縊死修國史者

親與炳文相值日擊其事當  
必不悞舍此不信更信何書若列之遜國則誣委之李  
景隆之流不揣本而齊末則枉况一生功業在武定之  
土武定以板房至親且非特將得免并獲贈諡取獨能

楚至父子並死恐陳太祖在天之靈亦有所不安也照  
吾學編存之列侯傳中庶得其實云

芮國楊武信公 附丁玉

公名環合肥人本儒家子少沉毅讀書不喜章句好武  
畧來歸授管軍萬戶深水句容金陵功陞管軍總管鎮  
汀江陰功陞親軍副都指揮使娶諸姪功陞樞密判官  
從征友諒克九江黃梅廣濟立湖廣行省環爲叅政移  
鎮江陵討斬叛寇進攻湖南洞蠻駐師三江口招討功  
陞平章政事克征南將軍取廣西克寶慶永州留丁玉

守之

玉初名用璽直隸

人元末流落江淮間初仕

翰林兒爲御史才辨有時譽 太親用爲九江知  
府彭澤山民叛聚鄉兵擊敗之以武畧稱轉指揮更名  
玉從征屢立戰功甲辰冬同傅友德克南州玉遂守之  
敗衛州府指揮同知洪武元年擢守克永州調玉往守  
威靈其著天下既定陞都指揮使尋遷叅政兼都指揮



使鎮廣西以仁惠為政軍民悅服九年陞右御史大夫  
洪武十年松州等處蠻寇為亂克平港將軍計平之  
賜勅諭松州巴克則疊州自服來降諸酋長必遣人覲  
物至可分一軍先還四川諸遺于是玉道若揮高顯等  
城松州請立軍衛至是降印設官領軍戍守六月以其  
地山多田少復勅玉并省戍守主上言松州西羌蠻寇  
要地軍衛不可罷從之遂詔還軍四川七月討彭普貴  
等平之賜勅諭并新指揮普亮以其用師不律致害  
民也十二年還京賜普亮左御史  
大夫拜左都督十三年主庶論死 圍靖江朱亮祖自

廣東來會力攻有輸降者給白皮帽百餘為內應遂克  
之并下柳州諭降左江土官黃英衍田州岑伯顏還京  
為偏將軍征山西出中路戰於韓店兵少失利定位居  
湯和下半唐邵南陽留鎮未幾招撫明昇昇不從尋還  
復書與昇曰昔據蜀者最盛莫如昭烈孔明佐之訓練

上卒財用不足取之南中然循朝不謀夕僅能自保足  
下疆塲南不過揚州北不及漢中而欲以一隅之地綿  
頃刻之命可謂智乎若謂險阻可恃蠶叢魚鳧之鄉不  
至足下矣鄱陽 戰友諒授首旋師東討張氏面縛此  
非人力實天命也友諒子竄歸江夏王師致伐勢窮出  
降 主上宥罪封侯恩榮之盛天下所知足下憐然覺  
悟自求多福豈不賢智哉今爲足下謀者他日或以郡  
獻或以城降各自爲身計取富貴當此時老母弱子將  
安歸乎卽足下年勿未諳時勢語及老母獨不痛心乎  
禍福利害瞭然可觀逆順之途在足下審之而已昇又

不從湖廣慈利土酋覃克諸變爲亂命卒兵討之賊詐  
降遣部下黃永謙往報爲所執來請軍餉上以書讓  
限日月平定遂力戰賊遁入溪洞還兵捕斬綏寧叛民  
三年封營陽侯食祿千五百石世券從伐蜀次夔州進  
攻瞿塘不利赤甲白鹽之師亦退還歸州蜀既平以無  
功不賞沉辰蠻亂爲副將軍討平之師還佐大將軍鎮  
北平召還又赴北平練兵兼往遼東訓練士卒十五年  
卒贈芮國公諡武信子通十七年與靖寧侯葉昇捕象  
廣西之左江二十年領鞬韞官軍往戍雲南多道亡降  
普定衛指揮使次達散騎舍人

縣國吳成毅公 濟國丁公

公名復字伯起合肥人沉鷲寡言笑因亂結聚保鄉里  
自署千戶甲午率衆歸濠領前驅從克泗滁采石太平  
歷陞萬戶定建康投總兵攻鎮江斬元定定平章守常  
州吳兵奮至成戰躍馬持矛追奔數里援宜興戰高橋  
仍守常州從征陳璘平之還圍廬州先登下漢河授指  
揮同知守沔陽元同僉任亮據安陸將先鋒倍道襲之  
縛亮以歸洪武元年北征克汝州魯山陞指揮使調征  
陝西上蕃克河州應援漢中拔南鄭回安陸從潁川侯  
平蜀從衛國公平九溪蠻進督府僉事世指揮使從西

平侯再征土蕃有功僉大都督府事洪武十二年封安  
陸侯祿二千石從潁川侯征雲南克普定充總兵官勦  
殺蠻寇北取廣西轉餉盤江卒年五十三追封黔國公  
諡威毅與世侯參加祿五百石平居恂恂至臨陣奮發  
無堅不潰衝冒矢石體無完膚在普定買妾楊氏年十  
七候驗慟哭已沐浴更衣自經灰封貞烈淑人十八年  
子傑以指揮嗣屢出山陝河南北平練兵從征二十八  
年有罪與吳高皆從楊文征龍川建功自贖建文中率  
師援真定戰白溝河失律謫南寧衛指揮使永樂元年  
子璟乞嗣正統間再三皆不許弘治六年璟孫鐸接

語乞嗣亦不許

濟園丁公

丁公名德興定遠人甲午歸附 上偉其才貌以黑丁  
呼之授萬戶與邦英俱爲 上親將是年取洪山寨敵  
勁兵七千公所率纔百人一鼓破之擒其酋克滁州  
乙未克和州敗青山寇兵從凌江拔采石乘勝取太平  
元將陳也先率兵數萬突犯城下從 上策應又分兵  
從取深水溧陽皆先登時蠻子海牙集樓船結砦采石  
陳也先既敗其子兆先復合淮兵屯方山伺太平公從  
克采石砦破方山營擒兆先攻金陵取鎮江陞管軍總

管下金壇廣德宣州領精兵圍常州平之陞左翼元帥  
宣州復叛率兵佐元帥胡大海復之遂分兵下江陰取  
徽州石埭池州橫陽攻江州移兵擊安慶復克甘露授  
江陰攻江西旁近州縣從攻雙刀趙獨進挫其鋒克宜  
興先是徐達邵榮攻宜興久不下議以其城西逼太湖  
口張士誠餉道所由乃與公分兵絕太湖口併力急攻  
城拔之功授鳳翔衛指揮使攻廬州陳友諒犯龍江公  
守石炭山遇戰力擊敗之是年上攻揚安慶克九江  
援安豐皆從有功友諒圍南昌從上親征過於康郎  
山死戰賊友諒十月從征陳理於武昌回攻廬州克之

進征湖南諸州郡多不戰而附攻克通州高一淮安征  
浙西擊常熟舊館敗土賊兵下湖州降李伯昇吳江  
圍蘇州卒於軍年四十贈都指揮使洪武元年二年皆  
像功臣廟追贈濟國公公況勇威嚴仁而有信行師紀  
律嚴明不妄殺有功不伐上以是重之嘗與諸將論  
征伐難處曰必得黑丁乃可其見重如此子三人忠投  
龍江衛指揮使世襲浩果恩賜守堦浩子廣廣子富世  
食田祿於江寧



鄆國韓公 沂國金公

公名政，睢人。元季爲義兵長。上定江左，同曹良臣來歸。授江淮行省平章政事。李濟據濠，名爲僞吳，守而觀望，未決。上命善長書招濟，不報。上曰：濠，吾鄉，猶屬

他人，是吾有國無家可乎？命政率指揮顧時、葉珍等攻其水簾洞、月城，又攻其西門，殺傷相當。乃以雲梯、砲石四面攻濟，降之。守將忻都、竹貞遁去。畱時守濠，召政攻安豐。以兵扼四門，潛穴城東龍尾壩，二十餘丈，城壞，得入。追獲忻都，而竹貞、君弼走汴。竹貞來援，又破之。安豐遂定。至賴，獲其運舟，畱勝守之。淮東西悉平。從平浙

右北伐中原政次梁城知院盧斌等皆降分兵扼黃河  
斷山東援兵取益都濟寧濟南東平改山東行省平章  
政事大將軍取元都檄政會東昌鎮撫臨清元都定又  
令政分兵守廣平蟻尖寨者在林慮西北二十里元右  
丞吳庸王居義小鎖兒等據寨剽劫附近給軍食甚苦  
之徐將軍收諸山寨蟻尖獨恃險絕未下從右丞薛顯  
進攻庸力屈降調征陝西還兵守禦河北征迤北至大  
小興州大獲洪武三年封東平侯食祿千五百石世券  
辛亥鎮山東未幾復鎮河北招撫流移壬子從李文忠  
出居庸橋應昌取和林沒入土刺進至阿魯渾河又大

獲而還出巡河南再巡陝西練兵臨清十二年卒贈鄆國公子英散騎舍人

沂國金公

金公名朝典廬州巢縣人元季四方兵起集衆保鄉里乙未來歸以功授中軍右翼左副元帥甲辰陞龍驤衛指揮同知改鎮武衛吳元年從討閩浙有功陞指揮使洪武三年轉大同衛陞食書都督府事十一年西平羌戎累著功績十二年封宣德侯食祿二千石賜券世襲指揮使至是征雲南卒于會川年五十二還葬太平門外明年追封沂國公諡武毅子鎮襲爵

荊陽侯鄭公

公名遇春濠人 上初收兵與兄遇霖來附甲午克滁  
州取鐵佛岡三汊河大柳樹諸寨皆爲先鋒乙未克和  
州含山渡江拔采石太平拔總管攻蕪湖遇霖戰死并  
領其兵從征溧水破海牙木寨擒陳兆先于方山遂定  
金陵拔鎮江從征常州解圍牛塘取宣州陞左翼元帥  
從克揚州婺州再擊敗友諒兵下黃梅南昌復定祝宗  
之亂大戰禁江口殪友諒平武昌下廬州淮安取安豐  
潁州六安陞指揮僉事守禦征中原克元都轉征遼北  
克朔州陞指揮副使都督同知封荊陽侯祿九百石世

券四年往臨濠開屯田行大都督府坐累奪職十三年

復侯從平雲南率楊文等

文合山人父典戰沒鄆嗣代領其衆獲功為百戶從破王

保保克興元法武四年調廣西隨高會事征南寧等處

五年討麓川克之九年勦平平樂徭人李季九等十四

年隨安慶侯盡平容美諸洞與征雲南功陞建昌衛指揮

兼會事二十一年進討東川克之二十五年上官月魯

帖木兒糾衆來攻力戰却之合四川壘指揮窮追新蔡

無算召還陞都督會事世指揮使二十六年加左都督

沿海備倭二十八年留守中都克總兵官率兵十五萬

征廣西擒殺賊首黃世鑑等聞設奉議南丹潯州慶遠

四軍民指揮司明年班師又明年進東操練七月克總

兵掛征虜前將軍印帥師二十萬征五關諸夷入敘

後數萬軍蠻備服明年北守開平高皇經略城池屯

堡凱還督金吾諸衛造海舟一百八十餘艘運糧遼東

二十三年卒

安遠侯蔡武襄公

公名遷不詳其鄉里元季兵亂從芝麻李據徐州麻李  
敗乃來歸上以爲先鋒從渡江下采石克太平取溧  
水破蠻子海牙水寨及陳也先皆有功丙申定金陵陞  
千戶從徐達取奔牛呂城克廣德宣城等處遷萬戶進  
攻毘陵拔橫林三山管寨攻青山小北門獲其黃元帥  
遂爲都先鋒從討馬馱沙克池州攻樅陽及討宜興從  
征衢婺二州授帳前翼元帥陳友諒寇龍江從諸將擊  
敗之遂進復太平後又從取安慶水寨破九江敗陳友  
諒八陣指揮于遂昌遂克南昌大兵討淮安命率兵爲

援又從拔安豐移鎮合淝會友諒攻江西召還大破其  
兵於鄱陽湖焚其戰艦友諒死從征武昌有功遷指揮  
同知後從下廬州甲辰命率龍驤衛諸軍從常將軍討  
新淦鄧克明餘黨於沙沅諸寨平之遷攻贛州取南安  
南雄諸郡還兵追僉鼎臣於茶陵擒獲甚衆遷龍驤衛  
同知從克高郵破馬騾港淮安守將梅思祖降卽命守  
淮安復以兵從克壽州以功授武德衛指揮使移守黃  
州從攻相潭辰全道永諸州皆克之轉荊州衛指揮遂  
進克廣西累遷行中書省叅知政事兼靖江王相復討  
捕諸叛蠻悉平之遷爲將十五年未嘗獨任多從諸將

征討每戰輒勇奮獨出橫刀突陣左右揮擊敵皆披靡  
却走不敢近既還金瘡滿體人視之不可堪而遷累不  
以爲意賦性寬厚怡然若不見其有爲者尤善處交友  
上以是甚加愛重及辛尤惜之詔贈安遠侯諡曰武襄  
親爲文祭之稱其智足以卒衆勇足以前驅大小之戰  
不可悉舉被堅執銳野宿風餐親冒矢石身無完膚勤  
勞多矣護喪還京師卜地以葬命有司給喪具詔 皇  
太子致祭禮極豐備云



東川侯胡公

公名海字子祥鳳陽定遠人初從上起兵以管軍百戶敗元帥賈魯于泗州奪取滁州和州從上渡江定采石太平攻蠻子海牙水寨取鎮江下廣德宣州克常州寧國皆與有功敗元帥謝國璽兵克先鋒略江陰攻湖州墮其東南月城破天目小寨攻宜興從下婺州諸暨之戰生擒賊衆四百餘人陞都先鋒敗陳友諒兵於龍江取潛山克安慶與友諒兵凡八戰皆大捷從徐達授安豐攻廬州實授花樣千戶從克荆潭常德衡原獻浦寶慶諸州擒元帥唐隆鎮撫李賢陞實慶衛指揮使

留鎮益陽 上卽位命從平章楊璟征湖廣廣東西之  
未歸附者遂下祈陽克永州加授昭勇將軍權克左副  
總兵平江左上思州酋黃英等獲僞將及衆二千餘人  
調取蜀龍伏隘進攻天門山賊皆平之授世襲指揮使  
仍守益陽率兵平武岡諸山寨獲兵七百餘人籍戶八  
百事聞遣使勞以金繒又平靖州及五關諸蠻洞投鎮  
國將軍從穎國傅友德平雲南還冊功賜號開國輔運  
推誠宣力武臣柱國東川侯食祿二千五百石世襲賜  
鐵券鈔萬錠管居第於鳳陽復從馮勝北征充左參將  
降納哈出管輿有功復克征南將軍領兵十萬平九溪

六 卑洞旋師賜鈔千錠黃金千兩白金五千兩絲段  
六十疋歸老於家至是瘡發背而卒年六十三海懷慨  
有大志每戰身先士卒勇氣奮發從者亦無不激厲自  
効故所向多捷計開致祭于城從征雲南戰及贈都督  
同知次子觀尚南康公主

淮安侯華公

公名雲龍定遠人才勇善劔術元末兵亂結羣少避居  
韭山從太祖克滁州下含山授千夫長渡江克金陵  
至廣德同趙先鋒攻破之戰張士信有湯元帥者善禦  
直前馳刺運劔斷而擒之陞右副元帥遂克常州自後  
每戰皆與勞績甚多方克南昌分攻揚州等處皆下之  
既殪友諒降陳理陞指揮使回攻廬州西上江陵皆取  
其城大軍既克高郵委以鎮守移掌淮安衛從攻浙西  
獨任嘉禾一路會兵蘇州轉張士誠從大將軍北伐徇  
樂安其郎中張仲毅出降留雲龍守之仍徵會臨清進

破元都陞都督僉事副孫都督守北平仍兼其路叅政  
下雲州陞都督同知兼燕府武相築城建王都封淮安  
侯祿千五百石世券再出雲州俘獲多進至上都大石  
崖攻克劉學士諸寨擊敗驢兒國公北奔去在鎮七年  
慎固防守威名大著方元都已破其達官女多與我師  
爲婚殘虜頗倚之爲間諜 上知之令舊仕千元者悉  
發遣江南有未發者檄趣之雲龍奉 詔稍遲而先是  
據元丞相脫脫大第借用故宮器物 上聞大怒召還  
命何文輝代未至京卒寶洪武七年年四十三以侯禮  
葬子二日忠曰關

杞國陳定襄公

公名德字主善濠人世農家有勇力善騎射壬辰兵起首隸麾下明年克滁州克萬夫長下金陵京口上爲吳國公置五部都先鋒以德等爲之自是連歲用兵每戰必克陞帳前大元帥辛丑援長興走敵將李伯昇鄱湖之戰陷陣斬獲上舟膠淺當先力戰身被九矢不退乃得脫甲辰從攻陳理降之討張士誠大敗其兵於舊館陞親軍指揮使平姑蘇陞上將軍僉大都督府事

中原克河南立行都督府署府事討諸山寨悉平

年從征陝西師至秦州追呂德於鹽館擒之大將

軍圍慶陽分略城南獲其謀王讓攻破之三年封臨江侯祿千五百石世券明年伐蜀同傅將軍出階文分道入綿州大敗吳友仁之衆會攻漢州拔之進圍成都遂平蜀五年副大將軍宋公北征遇虜別立雋山力戰敗之擒元岐王克甘肅亦集乃路六年總兵節制諸軍出塞敗虜三岔山是秋再出戰於互刺河三戰三捷七年鎮北平十年還京省母於鳳陽病卒年四十九追封杞國公謚定襄十三年掛胡黨已沒得宥子鏞少以功臣子練習武藝九年投散騎舍人十四年襲封父爵十七年命爲左副將軍同申公鄧鎮濟寧侯顛時討平龍泉

山賊廣東徭賊江西順天王尋同宋公馮勝練兵汴梁  
十九年駐兵通州巡邊獲番將王脫顏同靖海侯吳禎  
築會州城勝以大兵征納哈出遂從而北將至金山所  
部與大將軍異道相失遂陷虜死之賻以粟帛

宋史氏曰功臣自杞公外多坐胡藍二黨或卽死或已  
死得免然猶有戮其家奪其襲封者大抵飛揚跋扈自  
武人常事難以爲非黨以爲無謀 太祖諄諄告誡未

必卽從熱窺情狀先事誅夷寧過無不及前後坐者至  
三萬餘人當時已難分別何況二伯年後得以意懸斷  
乎惟陸仲亨胡美曹震趙庸附胡藍之後其鶴慶侯張



翼晉定侯陳桓會寧侯張溫已不可考餘皆入功臣傳  
中以爲枉則聖人不宜大忍以爲當則疑似之間爲身  
後慮何所不至蓋曹公事已有確據傅穎二公亦太倉  
卒故朱亮祖詰而不服卽藍玉面叱詹徽徽非反者雷  
霆之下何所不靡爲聖人生卽爲聖人死乘化往來其  
亦何憾之有

永嘉侯朱公

公名亮祖六合人元季團結鄉里禦賊自保其勇冠軍  
賊不敢犯授義兵元帥帥其黨經梁山掠江東與太平  
州官構仇乙未上渡江下太平亮祖懼使人納降賞  
以銀帛仍舊官居數月復叛數與我戰俘我兵七千餘  
人上方欲取建康未暇討丙申既定建康明年克毘  
陵遂遣徐將軍等討之進圍亮祖於寧國常將軍與某  
將軍俱被創而還上自往督戰亮祖兵敗縛以見  
上詰曰爾將如何對曰事非得已生則盡力死則死矣  
上壯其言撻三鐵簡釋之留麾下所向克捷以功陞元

帥樞密院判從征西克九江下南昌江西諸郡大戰鄱陽湖平武昌陞廣信衛指揮使會胡深討陳友定取浦城克崇安建陽等處乙巳二月張士誠兵寇諸全新城李文忠戰已大捷亮祖復以兵合擊焚其營落數十會攻桐廬圍餘杭降偽平章潘原明陞浙江行省叅政副李將軍守杭吳元年帥馬步舟師攻方國珍追至黃巖入其城徇下仙居諸縣進兵溫州國珍子明善戰敗挈妻子遁去克其城分兵徇瑞安還至黃巖方氏父子來降送建康洪武元年二月 上以浙閩既平命副廖征南山海道取廣東進平廣西師還 大子率百官迎勞

龍濟洪武三年封永嘉侯食祿千五百石與世券四年  
二月 上以諸將伐蜀久無功復命亮祖爲征虜右副  
將軍率兵往助兵至蜀傅友德已攻克階文永忠克重  
慶乃分兵徇下州縣之未附者蜀地悉平還師與何文  
輝同鎮北平移鎮廣東番禺知縣道同上言亮祖不法  
數十事 上念功臣不下吏罷職令居江寧之安德鄉  
尋遣巡淮安十一年奏安東沐陽二縣之野有鬼夜持  
炬者數百或成列或四散巡檢逐之無有擊之若有應  
者詔製勅文祭之乃息十三年坐胡黨黃岡不服 上  
怒并其子輓之俱死於上爲誌墳以侯禮葬其卒之處

子選亦以智勇稱數從征伐有功爲指揮使先卒

永國薛桓襄公

公名顯沛人

一曰  
肅人

元泗州守將辛丑

太祖取淮南顯

來降特授指揮壬寅助守南昌陳友諒以大衆圍城攻  
新城門甚急顯將銳卒突戰斬其平章劉進昭擒樞副  
趙祥敵兵乃退鄧仲康據新淦未下計斬之因徇下江  
西諸郡卽陞行省叅政從平淮東伐張士誠攻昇山水  
寨五太子盛兵來援常將軍戰稍却顯帥舟師直前奮  
擊大破之李暹呂珍等以舊館降得兵六萬常將軍謂  
顯曰今日之戰將軍之力居多吾國不如也五太子勇  
悍遜珍亦善戰士誠倚之至是皆降士誠爲之奪氣以

至於亡論功陞江西行省右丞大將軍北伐 上諭曰  
薛顯勇冠諸軍可別領兵獨當一面遂克山東河南進  
據臨清德州通州下元都偵邏古北諸隘口俘獲數萬  
從征山西大破王保保兵下太原邀賀宗哲於石州已  
而往保定招諭未下山皆其最強者桃花峽尖等寨以  
次平定會兵上陝西分攻馬寨山西番大破之俘王保  
保部將毛祥以獻張良臣納降往受之復有異志夜半  
襲我營被傷突圍得免尋令大將軍攻良臣于慶陽王  
保保遣兵來援顯與傅友德駐兵靈州遇之慶陽遂平  
遣賀宗哲絕塞而還三年封永城侯不與參帷幄

上諭諸將曰顯屢摧大敵可稱奇男子然其性剛忍好殺屢戒不悛千戶吳富自幼從朕有功無過顯利其所獲孽畜殺而奔之師還之日妻子訴寃于朕又輕殺馬軍罪不可恕而天下初定卽殺有功之臣又所不忍今封爵如例請居南海以示懲創分祿爲三千戶馬軍各得其一而一以養其母妻庶幾相准國法不廢四年復召用五年定祿千五百石給世秀從北征八年視河南城池十三年督屯北平十五年理山西軍務明年練兵北邊毋喪二十年征降納哈出還次山海關卒贈永國公益桓襄無子弟嗣嗣妻張納秀後胡黨事發以死不



論弘治六年珍自稱顯曾孫乞嗣不許

定遠侯王公

公名弼定遠人勇略過人號雙刀王元末結柵自固丙申歸附備宿衛從下徽州攻婺源州獨進南門殺三十餘人遂拔其城擢元帥進克蒲谿及金華諸暨皆有功從擊陳友諒復太平遂西征平江州南昌力戰鄱陽湖回從徐常二將軍淮東圍士誠于蘇士誠突出昌門奔常將軍管覺之分兵北濠截其後與鬪良久未決常將軍撫其背曰軍中皆稱爾爲猛將能爲我取此乎卽馳刀而出敵衆小却常將軍乘之吳兵大敗從平陸大都督府僉事世指揮使西番寇亂副沐西平

進討自延安臨洮而西俘獲無算斥地萬里班師封定遠侯祿二千石世券十四年副征雲南悉平之加祿五百石二十年充副將軍征大寧等處及金山納哈出悉收其部屬明年復出塞直搗虜營遂成捕魚海之功二十三年賜還鄉又四年暴卒年六十三六子知名者曰鑰曰俊

滕國顧襄靖公

公名時字時舉涿人 太祖起兵以同里來附勇敢善戰常侍左右渡江先後戰功靡不與焉自百夫長轉元帥同知天策衛親軍指揮司事丙午會韓政攻涿州降之伐張士誠攻昇山水寨乘其懈奮擊破之進平蘇州從大將軍北伐拜驍騎上將軍大都府副使兼同知太子率府事專浚開通舟師遂平元都與諸將偵邏古北各隘口二年大將軍檄巡太和嶺之東北共攻蘭州克之從闕張良臣于慶陽敗其東門兵破斬之迨賀宗哲於六盤山不及大將軍將還京命將騎兵畧寧靜未幾

宗哲寇蘭州往授望風遁去封濟寧侯同知大都督府  
事世秀祿千五百石四年伐蜀副征虜前將軍傅友德  
出階文以次平定五年副李將軍北征異道相失糧且  
盡遇胡兵士疲乏不能戰獨奮厲引麾下數百人單馬  
大呼衝擊敗走之略其輜重牛馬軍復大振七年鎮北  
平明年召還尋復鎮十二年卒年四十六追封滕國公  
諡襄靖四子長敬襲侯十八年爲左副將軍討龍泉等  
縣山寇平之屢從征伐有功次英華秀先是坐黨上  
特釋時以故子得嗣侯後竟除

許國王襄簡公

公名志濂人鷲猛有志略臨陣無前至正壬辰年十八  
集鄉兵取濂州且戰且守甲午來附濟江克建康閩常  
州騰柵先登授右副元帥凡三月克之功爲最從徐將  
軍徇諸郡邑歷戰有功辛丑侍上取安慶諸郡壬寅  
復隸徐將軍平江西諸郡陳友諒旣死從下武昌還克  
廬州授安豐以功進親軍指揮使守六安洪武元年北  
征從馮將軍渡黃河進取常爲軍鋒克平陽留守禦三  
年漢中仍駐師陝西深入察罕腦兒絕塞却胡還  
軍平陽封六安侯祿九百石世參五年還京復從大將

軍出塞太獲而還十四年從征雲南明年取大理羣蠻悉定十六年繕雲南城池安輯軍民十九年卒年五十二追封許國公諡襄簡四子威域璣琛威襲坐林來保事謫安南衛指揮使卒無子弟戚襲改清平衛世其官後坐志黨事以死不問

汝南侯梅公 附以武

公名思祖夏邑人元末父爲王保保所醜歸張士誠守  
淮安爲左丞大將軍下高郵進兵攻淮安思祖封府庫  
甲兵來歸并獻所部四州士誠殺其兄弟數人 上嘉  
而憐之授大都督府副使 制曰辭項從劉知同曲逆  
舍歸去迹識擬伏波從大將軍伐吳取浙西降其將呂  
珍下湖州進圍蘇州縛士誠擢浙江行省右丞從克山  
東沂州等郡洪武元年取大梁破陝州下潼關七月旋  
師徇取河北衛輝元守將平章龍二棄城走彰德師至  
彰德龍三復出走賊降統和陽衛兵守之檄赴北平取



未下州郡遂征山西二年晉真悉平復從征陝西取奉

元鳳翔平涼鞏昌四郡八月克邠州獲故元叅政毛貴

等三十人送大將軍三年從破王保保於定西還兵破

畧陽入沔州取興元論功封汝南侯祿九百石與世券

四年伐蜀五年率周武等武開州人僑居江陰丁酉來歸克守禦常州附元帥麾下

馬軍安邦博馬軍小較積功至指揮僉事洪武三年世

襲指揮同知賜誥命五年征西功授指揮使八年陞大

都督府僉事十四年封雄武侯侯食祿一千五百石二十

年十二月往河南練兵是年正月詔武領中都留守司

河南守司兵從晉王北征未行卒于河南追封汝國公謚勇襄子與襲指揮同知征甘肅還命

巡視山東陝西遼東諸處城池十四年四川諸洞蠻作

亂命爲征南副將軍同江夏侯周德興率兵討之悉平

十五年同傅友德克平雲南置貴州都指揮使司以思祖署都指揮使壬戌上以雲南初平欲使重臣鎮之又命思祖署雲南布政使司事與潘原明同守善撫輯民夷得安十月卒後坐胡黨戮其家子義武德衛指揮陞遼東都指揮使從子殷有傳

平涼侯費公 河南侯陸公

公名聚字士英濠人父得與元季兵亂教聚武事圖立功壬辰 上入濠歸附以材勇畱幕下定遠有民兵塞號驢牌乏食 上選聚等騎士二人步卒九人赴之其帥出迎申密約 上將還慮其不誠畱聚伺之越三日聚還告曰事不諧矣 上又帥聚等三百人抵其營以計取之得壯士三千人又降謬鼻山得八百人取泗州靈璧和陽下金陵克鎮江帶刀參侍下長興立永興翼元帥府爲副元帥從耿炳文守之潘原明來寇擊敗之召回管黃旗軍從征九江李伯昇復寇長興往援先登

擊走之癸卯管黃舫船大戰鄱陽湖 上被圍力戰得

脫遂熾友諒克武昌回攻廬州下之以指揮同知仍同

炳文守禦再破張士信兵丙午同馮勝克高郵淮安從

徐常二將軍縛張士誠陞指揮使會湯和等平方國珍

同吳禎取明州海道奄至福州克之擒陳友定于延平

剿昌國海寇征中原敗西安衛指揮使尋召回陞都督

僉事鎮平涼三年封平涼侯祿千五百石十四年從征

雲南大破平之再叛再平之總兵進征廣南生擒其首

丘達餘寨次第皆下二十年回鎮雲南又三年 召回

二十六年卒年六十八二子長超征方國珍戰歿人

材授江西試左叅政未幾賜歸孫宏初克叅侍舍人衛  
鎮撫雲南功世指揮使坐奏對不實戍金齒尋于侍養  
坐藍黨歿先是聚征姑蘇坐事上嘗而責之遂見疑  
久之得釋後上嘗對羣臣稱有反謀故不得襲其曾  
玄孫猶有存者

河南侯陸公

陸公名聚不知何許人元樞密同知守徐州丙午濠州  
李濟旣降上遣使賫書諭宿州吏民聚大感悟以所  
部徐宿二州來降上喜命爲叅政仍守徐州裁省糧  
稅軍需差役以指揮傅友德將兵助守防北寇未幾擢

郭帖木兒果遣李二來侵擊敗擒之大將軍北伐率所  
部兵從取山東河南還鎮受賞改山東參政從取德州  
長蘆克元都略大同獲故元喬右丞等三十四人克保  
定真定略平定州前攻鳳山城山賊山諸寨進攻半坡  
皆降之二年分守井陘故關攻克承天寨調征陝西有  
功還鎮徐州二年討平沂邳叛寇最功封河南侯祿九  
百石世券移鎮山東十三年承制理福建軍務召還坐  
胡黨上念其爲奸臣所誘宥之尋卒

江夏侯周公 張公

公名德與濠人善騎射 上初起兵德與仗劍來歸從  
取濠和渡江下金陵破漢吳平廣西走周文貴討慈利  
西軍屋功最洪武三年冬封江夏侯食縣千五百石予  
世券其年冬長沙洞蠻爲亂剽掠近縣德與進討皆平  
四年伐明昇爲征西副將軍同湯和廖永忠等討平之  
德與斬獲功最多八年 上念濠爲帝鄉乃徙江南民  
實濠令墾田爲業命德與董之德與計口授田嚴立程  
限墾辟不如數者有罰田野大治十四年五溪蠻作亂  
議征討德與請行 上老之德與固請且示嬰錄狀壯

而遣之賜手書褒寵兵至五溪蠻聞其威名悉解散無  
何以征南將軍討四川諸洞平之師還 太祖慰勞甚  
至十六年請決荊州嶽山壩以通水利灌田從之歲增  
官田租四千餘石十八年思州洞蠻作亂命德興討之  
時蠻散出沒王師至輒匿山谷退後出剽掠德興分兵  
勦捕悉夷其窟俘獲四萬餘人二十五年以帷簿不修  
誅收其公田



都督會事馬公 葉公

馬公名雲葉公名旺雲不知何許人旺六安州人少隸長槍軍謝再興後歸附數從征討有功授指揮會事洪武四年雲旺並鎮遼東初元主北走遼陽行省平章高家奴聞之集兵老鴉山叅政劉益屯蓋州之得利麻城相爲聲援以保金復等州顧望欲爲邊患至是上遣斷事官黃儔賁詔諭之益遂以地圖并兵馬錢糧之數奉表來降上嘉之置遼陽指揮使司以益爲指揮同知下詔褒美比于賈融未幾故元平章洪保保馬彥聲相與合謀殺益其右丞張良佐等掄彥聲誅之保保挾

黃偉走納哈出營遼東之家因推良佐權衛事以狀來聞且言地方遼遠僻處海隅肘腋之間皆爲敵境高家奴固守遼陽山寨知院哈刺張屯駐濟陽古城開元則有丞相也先不花之兵而金山則有大尉納哈出之家彼此相依復謀侵犯今洪保保遊徃其營必有播兵之虞乞留朝廷所遣斷事吳立鎮撫軍民先將擒到逆黨平章八丹知院僧兒等械送京師上以吳立張良佐爲指揮食事其餘將較令本衛定傑具奏尋以重地設都指揮使司總轄諸衛雲莊都指揮使鎮之諭祭劉益歸葬碭山上知黃偉被殺書諭納哈出且招之不

聽八年初雲旺等曰天寒冰結虜必乘時入寇宜堅壁  
清野以待慎勿與戰使其進無所得退有後慮伏兵阻  
險扼其歸路可坐而擒也虜果大至雲旺令吳立良佐  
房昂等嚴兵城守納哈出見城中備禦甚固不敢攻乃  
越益州城徑趨金州時金州城垣未完軍士甚少指揮  
韋胤王勝等督勵士卒分守諸門選精銳禦之虜中裨  
將乃刺吾自恃驍勇率數百騎徑至城下挑戰城上發  
弩射之乃刺吾被傷閃絕遂獲之虜勢大沮富等復縱  
兵出擊納哈出不利慮援兵且至退走以益州有備不  
敢經乃由城南十里外沿柞河遁歸旺策其將退先引

兵越柞河自連雲島至窟窿寨十餘里緣河壘冰爲牆以水淋之經宿皆凝沍隱然如城鐵釘板於沙中設陷馬奔於平地伏兵以伺命老弱卷旗登兩山間戒以聞砲卽豎旗爲號雲於城中亦立一大旗令指揮周錫及吳立等各嚴兵不動四顧寂若無人已虜至旺等伺過城南砲發伏兵四起兩山旌旗蔽空鼓聲雷動矢石雨下納哈出倉皇北奔越連雲島遇冰城馬不能前皆陷入窀中遂大潰雲於城中亦出兵追擊至將軍山畢栗河斬戮虜人馬及凍死者甚衆旺等被乘勝逐至猪兒峽獲其士馬無算納哈出僅以身免雲等相慶曰非

主上明見萬里授以成業何能有此勝也後乃刺吾送  
至京羣臣皆請戮之 上不許命爲鎮撫賜以妻妾田  
宅而雲旺皆陞都督僉事十二年命雲征大寧諭曰此  
寇甚黠知官軍至必遁入山兵回復出律我宜分大軍  
駐要害遣人招撫之如不至則伏兵可以盡獲比得賊  
首卽斬以警其餘進兵悉平之召還加賞以潘敬代鎮  
旺仍同事時高麗遣人致書及禮物 上謂間諜之漸  
成以人臣無外交勿得輕信又有來降者論以人情莫  
不安土重遷此必示弱於我以起邊釁選之使彼無以  
藉口尋復遣禮儀判書周誼至京 上以其園中弑逆

又說殺朝使反覆不可信切責敬旺拒絕仍留蒞歸其  
通事嚴備待之十九年召旺掌後府甫三月遼東復有  
警還鎮二十一年卒旺在遼十七年蕩荆棘修城隍建  
立官府撫輯軍民墾田萬餘頃遂爲永利雲功亦相參  
還京後不著所終似染胡惟庸之黨成化中並祀遼東

張公

張公名溫以指揮守蘭州洪武二年十二月元將王保  
保峴大將軍南還帥兵十萬奄至城下溫會諸將較曰  
彼悉衆襲我我兵寡難與爲敵然彼遠來未知我虛實  
乘暮擊之可控其鋒彼不退則固守以待援於是整兵

出戰保保兵稍却遲明溫收兵入城敵遂圍城數重溫  
堅守不與戰于光來援被執至城下大呼大將軍將事  
城中守益堅保保懼引兵去方急時夜二鼓圍兵登城  
千戶郭佑被酒醉臥不知覺巡城官軍擊却之圍既解  
溫執祐將斬之天策衛知事朱友聞爭曰當賊犯城時  
將軍斬祐以令衆所謂以軍法從事人無得而議之今  
賊既退乃追罪之非惟無及於事且有擅殺之名竊以  
爲不可溫悟杖祐而釋之 上知之謂輔臣曰友聞以  
善餘能守朝廷法直言鬥論官長此正人也宜加齊賜  
綺帛各五疋陞溫都督僉事兼陝西行都督僉事入謝

上諭之曰蘭州之捷可謂奇功夫崇帥之道有功不伐則功益顯恃功驕恣則名益墜是惟仁者不矜其功而智者克成其名仁智兼全所向無敵爾能守之可以長保富貴矣仍賞守禦將士詔曰蘭州乃西北重地近因大將班師元帥王保保乘隙攻城指揮張溫樊爾將士堅守固守屢出挑戰大振軍威元兵力屈又聞大軍入關彼遂斂兵道去以此保障關中一方以安其功最大指揮人賞文綺帛十四疋千戶衛鎮撫十二疋百戶所鎮撫十疋圍城之日在內守禦軍士不論新舊總旗人賞銀十兩小旗九兩五錢軍人九兩鳳翔乃秦隴襟喉



之地向因大軍攻圍慶陽未下之時王保保令其將賀宗哲攻城穴地通道指揮金興莊張龍黃旺與曹軍二千餘人多方備禦出奇挫敵致其退遁關中晏然指揮人賞文綺帛十二疋千戶衛鎮撫十疋百戶所鎮撫八疋圍城之日城內軍士總旗人賞銀九兩五錢軍人八兩臨洮城瀕洮河密邇吐蕃與寇壘相隣雖無蘭州風翔攻圍之急然寇盜出入往往近城剽掠指揮王子明韋正孫德趙脫帖木兒備禦有方人民安堵屢出精銳攻剽賊類咸振西陲其功次於鳳翔指揮人賞文綺帛八疋千戶衛鎮撫六疋百戶衛所鎮撫四疋曾德淑

守軍士總旗人賞銀八兩小旗七兩五錢軍人七兩  
昌城在鳳翔臨洮之間當固關定西未定之時羣盜出  
沒人心動搖僉都督郭子興指揮楊廣王燾真保張虎  
郝帖木兒于光潘貴陳德成等屢出討捕轉糧餉應援  
臨洮元兵嘗住洮河西岸子興等率衆復冰度河掩殺  
其衆保障一方其功與臨洮不異郭子興文綺帛十四  
疋指揮以下賞與臨洮同延安綏德衛地接察罕腦兒  
等處元之殘兵不時出沒剽掠指揮朱名李恪累出兵  
勦捕殺獲甚多完築城壁固守其疆境其功次於鞏昌  
指揮賞文綺帛量裁邊軍無不感激思奮者

左都督審公

公名正字正卿壽州人少爲里中韋德成養子元末德成率兵從上克滁和二州遂渡江克太平建昌擊宣州與有功德成戰歿京兆郡侯正襲職代領其衆從徐將軍克常州戊戌從上取婺州又從常將軍克衢州從上破陳兵于鄱陽湖調天策備千戶改雄武衛從傅將軍守徐州與李二等戰有功吳元年摧鳳翔衛副指揮使從下中原進克元都招降元將謝雲兒等八十餘人山陝戰功皆與馬洪武三年從鄧將軍克河州留鎮守吐蕃來寇過河未得渡正率兵禦之時河水未

冰焚香祝曰正仗國家威德鎮撫一方將以休養生民  
今賊在邇而不得擊何以報國天若意在破賊河水當  
合忽有冰如巨屋自上流而下風隨之冰合且堅正卽  
率兵直搗虜營虜大驚以爲神俱投戈請降正自奉甚  
儉又善於招徠時土酋趙琦弟同知趙三及孫平章祁  
院使等皆先後來歸正悉與衣冠厚遺而遣之自是諸  
部上官相率來降又言西邊軍糧民間轉輸甚勞而綿  
布及茶可以易粟給各衛軍士令其自相貿易庶省西  
民之勞從之正始至其兵不多城邑空虛人骨山積將  
十見之咸欲棄去正語之曰受命同出今旣至此無故

棄去一旦戎狄寇邊兵難禦之民被其害則吾與若等  
死亡無地雖妻孥不得相保與其死於國法無寧死於  
王事於是衆感激自效河州遂爲樂土尋置西安行都  
指揮使司于河州陞正爲都指揮使總轄河州朶甘烏  
思藏三徭九年復姓審氏會川藏戎爲盜正從鄧將軍  
征有功十一年沐公征西番遣正追襲叛虜朶兒只巴  
獲其羊馬輜重而還十三年兼領寧夏脩修築漢唐舊  
渠令軍士屯田引河水灌田數萬頃兵食以足十三年  
從沐公征北至上林擒元平章脫大赤知院愛足部衆  
萬餘人十四年從經畧公主山寨藏其戍卒取全寧四

部十五年改四川會河西土官故元左丞刺瓦蒙藏卜等來降唯松茂等州西羌未附正謫兵討之擒賊首楊知府十九年改雲南二十一年百夷據險作亂賊將刁思郎等聚衆十餘萬驅衆百餘拒敵正率兵從沐公進戰斬其二將賊衆奔潰盡獲其衆馬未幾東川蠻反而越州龍海溝西等山寨亦據險作亂又從討平之二十五年西平侯卒詔授左都督代鎮久之命爲平羌將軍總陝西四川兵討階文千戶張者之亂平之二十八年正月從奏上往洮州打魚溝等處平番寇三月還京卒弔祭擢其子指揮使忠爲右都督僉事

都指揮使花公

公名茂巢縣人元季起兵從陳世光丙申三月歸附癸卯援安豐敗張士誠兵從滅陳友諒甲辰平武昌授百戶累功洪武八年陞指揮僉事十三年調廣州左衛勦平陽春等縣叛賊收捕諸縣山寨十五年討海南叛蠻出海捕倭十九年平東莞龍川與寧南海香山翁源民亂二十年陞廣東都司指揮同知夷電白等賊二十一年破歸善等縣賊寨二十二年陞本司都指揮僉事晉都指揮同知賜誥世襲廣州左衛指揮使是年擊南海香山黃連等寨二十四年勦廣西湖廣等處徭賊三萬

餘二十六年正月致仕 上命其子爲東勝右衛指揮  
僉事茂仍蒞事四月統軍蕩威東筦等處二十七  
年上言請徙沿海逋逃蛋戶爲兵又奏添設沿海侯山  
廣海碣石神電等衛所二千四處築城濬池收集海島  
隱料無籍等軍仍於要害山海議立堡撥軍屯守詔皆  
從之二十八年征捕黎賊明年入覲 上慰獎之且曰  
爾回令次子英來朝朕將用之六月茂回捕獲寨賊鄧  
佛寢等七十五人卽遣英赴京十一月陞本司都指揮  
使明年命英爲廣東都指揮僉事與張瑄等討賊自廣  
黑面等地方靖寧四月茂卒賜葬美武



軍功陞本司都指揮使永樂中累建勳後致仕